

# লাল বাতি নীল বাতি

হেমেন্দ্র নাথ মল্লিক

এইখানে  
এই বিদেশে ভুইয়ে  
বেশ ভালো আছি - আমি অর্কিড।

পরিপাটি ঘর  
সাজানো সংসার।  
এই হিমঘরে না থাক সূর্য আলো  
তবু ঐ লাল নীল বাতি।  
আ-হা- মরি মরি -

পেগাসাস সওয়ার আমি অর্কিড -  
একটু বাদেই সেই  
লাল বাতি ছোঁবো, নীল বাতি ছোঁবো  
পেয়েযাবো স্বর্গ উদ্দান।  
আহা মরি মরি -

ক্ষীপ্র পেগাসাস আরো জোরে -  
পিছনে তাকাবার সময় নেইকো আর  
সকাল থেকে দুপুর, দুপুর থেকে রাত  
শুধু ছুটে চলা - শুধু ছুটে চলা -

ছুটলাম - ছুটলাম  
আরো আরো ছুটলাম।  
তবু কোথা সেই লাল নীল বাতি?  
সে তো বহু - বহু দূর -  
শুধু ক্লান্ত পেগাসাস।

ফিরে দেখি আরো দূরে  
আত্মজ আমার  
এখন রোবট মানুষ।  
খঁজে ফেরে সেই লাল নীল বাতি - ভিন গ্রহে।  
আ-হা, লাল বাতি নীল বাতি।  
প্রিয়র চেনা মুখ পাথর মূর্তি  
উষ্ণতা মেলে না আর  
শরীরের ভাজে ভাজে।  
অন্ধের মতো শুধু হাতড়ে বেড়াই চেনা ভালোবাসা।  
আ-হা, লাল বাতি নীল বাতি।